

Mannfjöldapróun 2010

Population development 2010

Samantekt

Hinn 1. janúar 2011 var íbúafjöldi á Íslandi 318.452. Íbúum landsins hafði þá fjölgað um 0,3% frá sama tíma ári áður eða um 822 einstaklinga. Á árinu fæddust 4.907 börn en 2.017 manns létust á árinu. Fæddir umfram dána voru því 2.890. Á árinu 2010 fluttu 7.759 einstaklingar til útlanda en 5.625 fluttu til landsins. Brottfluttir umfram aðflutta voru því 2.134.

Hinn 1. janúar 2011 áttu 42.230 einstaklingar (13,3% landsmanna) annað foreldri eða báða foreldra af erlendu bergi. Af þeim áttu 28.275 einstaklingar báða foreldra af erlendu bergi, en þeim hópi tilheyra innflytjendur og önnur kynslóð innflytjenda. Samtals voru innflytjendur og önnur kynslóð innflytjenda 8,9% landsmanna í ársbyrjun 2011.

Alls voru 76 sveitarfélög á Íslandi hinn 1. janúar 2011 og hafði fækkað um eitt á árinu 2010. Fjölmennasta sveitarfélagið var Reykjavík með 118.898 íbúa. Fámennasta sveitarfélagið var hins vegar Árneshreppur á Ströndum þar sem bjuggu 52 íbúar. Á árinu 2010 fækkaði fólki í 45 sveitarfélögum og á fimm landsvæðum af átta.

Hinn 1. janúar 2011 voru 98 byggðakjarnar með 50 íbúa eða fleiri. Alls bjuggu 301.977 einstaklingar í þessum byggðakjörnum, eða 94,8% landsmanna. Íbúum fækkaði hins vegar á árinu í 56 af þessum 98 byggðakjörnum. Í þéttbýli, þ.e. þar sem íbúar voru 200 eða fleiri, bjuggu 93,6% íbúanna. Það sem af er öldinni hefur þróun landsins til aukins þéttbýlis haldið áfram, en árið 2001 bjuggu 92,3% íbúanna á þéttbýlisstöðum með 200 eða fleiri íbúum.

Breytingar á mannfjölda

Mannfjöldi hinn 1. janúar 2011 var 318.452. Íbúatala landsins hækkaði um 822 frá 1. janúar 2010 eða um 0,3%. Alls voru 160.006 karlar og 158.446 konur búsettar á Íslandi 1. janúar 2011. Körlum fjölgaði um 70 á árinu 2010 en konum um 752.

Undanfarinn áratug hefur búsetuþróun á Íslandi verið með nokkuð sérstökum hætti. Mikill vöxtur hljóp í íbúafjöldann árin 2005–2007 þegar árleg fjölgun fór yfir 2%. Íbúatala landsins náði hámarki 1. janúar 2009 þegar hér voru skráðir 319.368 einstaklingar til heimilis. Alls hefur því fækkað um 916 manns á árunum 2009 og 2010.

Fólksflutningar

Sveiflur í mannfjöldatölum skýrast fyrst og fremst af tölum um búferlaflutninga til og frá landinu. Á árinu 2010 fluttust 2.134 brott af landinu umfram aðflutta. Aðfluttir voru 5.625, en brottfluttir 7.759. Flutningsjöfnuðurinn var eigi að síður mun hagstæðari árið 2010 en árið áður þegar 4.835 manns fluttust brott umfram aðflutta.



Mikill munur var á kynjum í búferlaflutningum milli landa. Árið 2010 fluttust 1.428 karlar af landi brott umfram aðflutta, en 706 konur umfram aðfluttar. Þá var einnig mikill munur á flutningum íslenskra og erlendra ríkisborgara. Árið 2010 fluttust 1.703 íslenskir ríkisborgarar til útlanda umfram aðflutta, en 431 erlendir ríkisborgari.

Á fyrsta áratug 21. aldarinnar var flutningsjöfnuður jákvæður í sex ár af 10. Árin 2002–2003 og 2009–2010 var flutningsjöfnuður neikvæður. Allan áratuginn fluttust 9.512 einstaklingar til landsins umfram brottflutta, þar af 5.123 karlar og 4.389 konur. Þetta eru mikil umskipti frá áratugnum þar á undan þegar flutningsjöfnuðurinn var jákvæður um 1.713 manns.

Fæddir Alls fæddust 4.907 börn á árinu, þar af 2.523 drengir og 2.384 stúlkur. Þetta eru nokkuð færri börn en á árinu 2009 sem var metár, en þá fæddust 5.026 börn.

Fæðingartölur þessar á árinu 2010 jafngilda því að hver kona fæði 2,197 börn á ævi sinni. Jafnan er miðað við að þetta hlutfall þurfi að vera rúmlega 2 börn, þ.e. að minnsta kosti ein stúlka, til þess að þjóðinni fjölgi miðað við óbreytta dánartíðni og jafnvægi í flutningsjöfnuði.

Dánir Á árinu 2010 létust 2.017 manns sem búsettir voru á Íslandi, 1.063 karlar og 954 konur. Dánartíðni á hverja 1.000 íbúa var 6,3 dánir árið 2010 og hefur verið 6,1 til 6,3 prómill allan áratuginn.

Árið 2010 gátu nýfæddir drengir búist við því að verða 79,5 ára en stúlkur 83,5 ára. Árin 2001–2005 gátu drengir búist við að verða 78,9 ára, en 79,4 þegar meðaltal árána 2006–2010 er skoðað. Árin 2001–2005 var meðalævilengd stúlkna við fæðingu 82,8 ár en var komin í 83,1 ár þegar litið er til síðustu fimm ára.

Erlendir ríkisborgarar Hinn 1. janúar 2011 voru 21.143 erlendir ríkisborgarar búsettir á Íslandi, eða 6,6% af mannfjöldanum. Flestir erlendir ríkisborgarar voru 1. janúar 2009 þegar þeir voru 7,6% mannfjöldans.

Fæddir erlendis Alls voru 34.709 fæddir erlendis, eða 10,9% mannfjöldans. Af þeim voru 17.089 karlar og 17.620 konur. Árið 2010 voru 35.121 fæddur erlendis, en flestir voru þeir 1. janúar 2009 þegar 37.562 mannfjöldans voru fæddir utanlands eða 11,8%.

Innflytjendur Tölur um erlent ríkisfang og/eða fæðingarland segja ekki alla söguna um erlendan uppruna landsmanna. Margir af íslensku bergi brotnir hafa fæðst erlendis og margir útlendingar koma til langdvalar á Íslandi og öðlast íslenskan ríkisborgararétt. Því hefur Hagstofan, að fyrirmynd systurstofnana sinna á Norðurlöndum, birt tölur um fjölda innflytjenda og fólks með erlendan bakgrunn.

Hinn 1. janúar 2011 voru 25.693 innflytjendur á Íslandi eða 8,1% mannfjöldans. Það er fækkun frá 1. janúar 2010, þegar innflytjendur voru 8,2% landsmanna og 26.171 alls. Nokkuð hefur fjölgað í annarri kynslóð innflytjenda á milli árána 2010 og 2011 eða úr 2.254 í 2.582. Samanlagt var fyrsta og önnur kynslóð innflytjenda 8,9% af mannfjöldanum hinn 1. janúar 2011, sem er það sama og hún var árið áður. Einstaklingum með erlendan bakgrunn, öðrum en innflytjendum, fjölgaði lítillega frá 2010 til ársins 2011, úr 6% í 6,1% mannfjöldans.

Kynjahlutfall jafnast

Hinn 1. janúar 2011 voru 1.010 karlar á landinu á móti hverjum 1.000 konum, samanborið við 1.014 karla á 1.000 konur ári áður. Fram til ársins 2004 voru konur jafnan í meirihluta þeirra sem fluttust til landsins. Einkum átti það þó við aðflutta erlenda ríkisborgara. Árið 2004 snerist þetta við og mikill aðflutningur karlmannna, aðallega með erlent ríkisfang og á aldrinum 30–49 ára, olli því að í ársbyrjun 2008 bjuggu á Íslandi 1.041 karl á móti hverjum 1.000 konum.

Aðflutningur til landsins er enn bundinn að meirihluta við karla. Það er því mikill og hraður brottflutningur þeirra allt frá árinu 2007 sem hefur valdið jöfnun kynjahlutfallsins. Á árinu 2010 voru í aðflutningum 1.115 karlar á móti hverjum 1.000 konum, en 1.305 karlar í brottflutningum fyrir hverjar 1.000 konur.

Íbúapróun á einstaka landsvæðum

Árið 2010 fjölgaði íbúum á höfuðborgarsvæðinu um 1.434 og Norðurlandi eystra um 106. Auk þess fjölgaði á Vesturlandi um níu manns. Umtalsverð mannfækkun var á öðrum landsvæðum, nema á Norðurlandi vestra þar sem fækkaði um einn. Á Suðurnesjum fækkaði um 271, á Vestfjörðum um 225, á Austurlandi um 153 og 77 á Suðurlandi. Hlutfallslega varð mannfækkun mest á Vestfjörðum, en þar dróst mannfjöldi saman um 3,1%.

Fólksfjöldapróun síðustu fimm ára

Þegar litið er til síðustu fimm ára blasir nokkuð önnur mynd við. Þá fjölgaði landsmönnum að meðaltali um 1,2% á ári. Suðurnes voru á tímabilinu töluvert fyrir ofan landsmeðaltal með 3,3% árlega fjölgun. Á höfuðborgarsvæðinu fjölgaði rétt ofan við landsmeðaltal, 1,5% á ári að meðaltali, en á Suðurlandi fjölgaði um 1,2% á ári. Árleg fjölgun á Vesturlandi síðustu fimm ár var undir landsmeðaltali, eða 0,7%, en á Norðurlandi eystra hefur hún aðeins verið um 0,4%. Undanfarnin fimm ár, frá ársbyrjun 2006 hefur hins vegar fækkað á Vestfjörðum sem nemur 1,1% árlegri fækkun, á Austurlandi sem nemur 2,1% árlegri fækkun og á Norðurlandi vestra sem nemur 0,3% árlegri fækkun.

Íbúapróun í sveitarfélögum

Sveitarfélög á Íslandi voru alls 76 hinn 1. janúar 2011 og fækkaði um eitt frá árinu áður. Þau eru misfjöldmenn. Reykjavíkurborg var fjölmennasta sveitarfélagið með 118.898 íbúa en Árneshreppur á Ströndum var fámennast með 52 íbúa. Alls hafa 26 sveitarfélög færri en 500 íbúa, en í aðeins níu sveitarfélögum búa 5.000 íbúar eða fleiri (sjá töflu 1).

Stærstu sveitarfélögin standa í stað

Á árinu 2010 fækkaði íbúum í 45 af 76 sveitarfélögum landsins. Í 26 minnstu sveitarfélögum fækkaði í 16 en fjölgaði í 10. Alls fækkaði fólki í þeim um 100 manns. Hlutfallslega fækkaði íbúum mest í Fljótsdalshreppi. Í níu stærstu sveitarfélögum með 5.000 íbúa eða fleiri fækkaði aðeins í Reykjanesbæ.

Þróun síðustu fimm ára

Þegar litið er til íbúapróunar síðustu fimm ára var mest árleg fjölgun í stærstu sveitarfélögum, en þar á eftir í sveitarfélögum með 1.000–1.999 íbúa. Árleg fækkun var í öllum sveitarfélögum með færri en 1.000 íbúa, þó einna mest í minnstu sveitarfélögum. Íbúum fækkaði í 14 minnstu sveitarfélögum að meðaltali um 4,1% á ári frá 1. janúar 2006 til 1. janúar 2011, eða alls um 368 íbúa. Ef Fljótsdalshreppur er ekki talinn með — en þar var íbúapróun nokkuð sérstök á tímabilinu — varð fækkunin í minnstu sveitarfélögum 0,9% að meðaltali á ári.

Tafla 1. Íbúaþróun 2006–2011 eftir stærð sveitarfélaga

Table 1. Population change 2006–2011 by size of groups of municipalities

Íbúafjöldi <i>Population size</i>	Fjöldi <i>Number</i>			Hlutfall <i>Percent</i>	
	Sveitarfélög þar Öll sem fjölgaði 2010 sveitarfélög <i>All municipalities</i>		Mannfjöldi 1. janúar 2011 <i>Population</i>	Breyting frá fyrra ári <i>Change from</i>	Meðalbreyting frá 2006 <i>Annual change</i>
	<i>Number with</i>	<i>increase 2010</i>	<i>1 January 2011</i>	<i>previous year</i>	<i>from 2006</i>
Alls <i>Total</i>	76	31	318.452	0,3	1,21
5.000+	9	8	241.502	0,7	1,74
2.000–4.999	13	3	42.531	-1,0	-0,56
1.000–1.999	11	5	16.405	-0,9	0,72
500–999	17	5	12.131	-1,7	-0,41
200–499	12	5	4.298	-1,5	-0,44
<200	14	5	1.585	-2,1	-4,09

Íbúaþróun í þéttbýli og strjálbýli

Rúmlega 63% mannfjöldans bjó í Reykjavíkurbéttbýlinu hinn 1. janúar 2011, þ.e. samfelldri byggð frá Hafnarfirði til Mosfellsbæjar, eða 201.294. Í strjálbýli búa 16.475 einstaklingar, eða 5,2% mannfjöldans. Minnstu byggðakjarnarnir með innan við 200 íbúa eru alls 32, en þar býr aðeins 1,2% mannfjöldans.

Frá árinu 2006 hefur íbúum í fámennari byggðakjörnum og strjálbýli fækkað árlega um 1,1%. Hinn 1. janúar 2006 bjuggu 7,2% landsmanna í strjálbýli og byggðarlögum með færri en 200 íbúa. Hinn 1. janúar 2011 bjuggu hins vegar 6,4% íbúa landsins í slíkum byggðarlögum.

Tafla 2. Mannfjöldi og kynjahlutfall í þéttbýlisstöðum eftir stærð 1. jan. 2011

Table 2. Population and sex ratio by size groups of localities 1 January 2011

	Fjöldi staða <i>Number of</i>	Mann- fjöldi alls <i>Total</i>	Hlutfall <i>Percent</i>	Karlar á hverjar 1.000 konur <i>Sex ratio</i>
	<i>localities</i>	<i>population</i>		
Allt landið <i>Total</i>	•	318.452	100,0	1.010
Staðir með 200 íbúa og fleiri	59	298.125	93,6	1.002
Íbúar 100.000 og fleiri	1	201.294	63,2	987
Íbúar 10.000–99.999	2	31.352	9,8	1.005
Íbúar 5.000–9.999	2	13.135	4,1	1.037
Íbúar 2.000–4.999	7	19.044	6,0	1.030
Íbúar 1.000–1.999	13	17.499	5,5	1.085
Íbúar 500–999	22	12.785	4,0	1.051
Íbúar 200–499	12	3.016	0,9	1.013
Fámennari staðir og strjálbýli	•	20.327	6,4	1.130
Íbúar 100–199	21	3.065	1,0	1.078
Íbúar 50–99	11	787	0,2	1.034
Strjálbýli	•	16.475	5,2	1.145

Konur frekar í þéttbýli

Kynjahlutföll fara mjög eftir þéttbýlisstigi. Þannig eru 987 karlar á hverjar 1.000 konur í Reykjavíkurbéttbýlinu. Þetta hlutfall breytist körlum í vil eftir því sem


þéttbýlið verður fámennara. Ójafnast er kynjahlutfallið í strjálbýli, en þar voru 1.145 karlar á móti 1.000 konum hinn 1. janúar 2011.

Byggðakjarnar Byggðakjarnar með 50 íbúum eða fleirum voru 98 hinn 1. janúar 2011. Einn nýr byggðakjarni náði að komast yfir 50 íbúa markið, Brautarholt á Skeiðum. Alls fjölgaði í 31 byggðakjarna umfram meðalfjölgun síðustu fimm ára, en fækkaði eða stóð í stað í 50 byggðakjörnum. Fjölgun var í 17 byggðakjörnum til viðbótar, en undir landsmeðaltali.

Á síðastliðnum fimm árum var vöxturinn örastur í byggðakjörnunum Borg í Grímsnesi, Hrafnagili í Eyjafjarðarsveit og Reykholti í Biskupstungum, en þar fjölgaði íbúum um meira en 6% á ári. Af stærri byggðarlögum uxu Keflavíkur- og Njarðvíkurbyggðin (4,3%) og Mosfellsbær (3,9%) hvað hraðast undanfarin fimm ár. Hlutfallslega mest fækkun var á Flateyri, Bíldudal, Laugarbakka, Bakkafirði og í Nesjakauptúni, en þar fækkaði fólki um meira en 5% að jafnaði á ári síðastliðin fimm ár.

Mynd 1. Íbúapróun eftir byggðakjörnum, árleg breyting 2006–2011

Figure 1 Annual average population change by urban nuclei 2006–2011



Skýringar Notes: Stærð hringja vísar til mannfjölda í byggðakjörnum. Litir hringja: Rauður = fækkun; gulur = fjölgun undir landsmeðaltali; grænn = fjölgun yfir landsmeðaltali. Size of circles shows the population size of urban nuclei. Colour of circles: Red = negative; yellow = positive, below national average; green = positive, above national average.

Fækkun í flestum byggðakjörnum á árinu 2010

Á árinu 2010 fækkaði í 57 byggðakjörnum og í öðrum tveimur var minni fjölgun en sem nam meðalfjölgun á landinu. Í 39 byggðakjörnum fjölgaði íbúum.

Mest fækkaði í smærri byggðakjörnum. Meðalíbúatala þeirra byggðakjarna þar sem fækkaði eða fjölgun var undir landsmeðaltali var 1.015 íbúar. Meðalíbúatala hinna var 6.083 (3.136 að Reykjavík frátalinni).


Mannfjöldi eftir kyni

Kynjahlutfall jafnast

Á undanförunum fimm árum hefur kynjahlutfall í landinu raskast mikið. Röskuninni olli gríðarlegur aðflutningur karla til landsins á árunum 2004–2008. Reyndar skekkstust allar búferlaflutningatölur á þessu árabili, enda voru karlar þá einnig í miklum meirihluta þeirra sem fluttust af landi brott á árabílinu 2006 og síðar. Hlutfallslega urðu konur fæstar 1. janúar 2008 en þá var 1.041 karl á móti hverjum 1.000 konum. Hinn 1. janúar 2011 hafði þetta hlutfall jafnast mjög og var þá 1.010 karlar á hverjar 1.000 konur.

Mynd 2. Fjöldi karla á hverjar 1.000 konur 1998–2011

Figure 2. Number of males per 1,000 females 1998–2011



Mannfjöldi eftir aldri

Aldursflokkarnir frá nýfæddum til 54 ára voru svipaðir að stærð hinn 1. janúar 2011 með 21–24 þúsund í hverjum fimm ára aldurshópi. Frá 55 ára fækkar hins vegar ört í árgöngum. Alls voru 39 einstaklingar 100 ára eða eldri, þar af 32 konur. Fjölmennasti aldurshópurinn er fólk á aldrinum 0–4 ára, þá 20–24 ára og loks 15–19 ára.


Mannfjöldapýramíðinn

Þegar eingöngu er litið á aldursdreifingu innlendra má sjá að lögun hins svokallaða mannfjöldapýramíða minnir ekki nema að litlu leyti á pýramíða (mynd 3). Lögunin ræðst einkum af bylgju fæðinga fyrr á árum. Á sjötta og fram á sjöunda áratug voru fæðingarárgangar mjög stórir. Mjög dró úr fæðingum fram undir lok níunda áratugarins. Fjölmennir aldurshópar 0–4 ára endurspegla aukna fæðingartíðni á síðustu fimm árum. Þessu til viðbótar eru aldurshóparnir 20–39 ára einnig þeir hópar sem helst flytjast búferlum til útlanda.

Innflytjendur eru flestir á aldrinum 20–39 ára. Með nokkrum rétti má því segja að þeir fylli upp í það skarð sem hlutfallslega fámennari íslenskir aldurshópar hafa skilið eftir sig.

Mynd 3. Mannfjöldi eftir kyni, aldri og bakgrunni 1. janúar 2011


Figure 3. Population by sex, age and background 1 January 2011



Tvö meginmynstur í aldursdreifingunni

Þegar aldursdreifingin er skoðuð eftir landsvæðum koma í ljós tvö meginmynstur, annars vegar suðvesturhornið og hins vegar landsbyggðin. Á suðvesturhorni landsins, á höfuðborgarsvæðinu og Suðurnesjum, er dreifing aldurshópa jafnari en á öðrum landsvæðum. Á höfuðborgarsvæðinu eru aldurshóparnir 20–39 ára hlutfallslega fjölmennastir, en aldurshóparnir 0–19 ára á Suðurnesjum. Hins vegar eru aldurshóparnir 20–39 ára hlutfallslega fámennastir utan höfuðborgarsvæðisins og Suðurnesja. Ungt fólk á aldrinum 10–19 ára eru fjölmennasti aldurshópurinn en aldurshópurinn 0–9 ára er talsvert fámennari en meðal þjóðarinnar í heild (mynd 4). Sérstaklega er þetta þó áberandi á Vestfjörðum og Austurlandi, en þar verða innflytjendur og börn þeirra þó að einhverju leyti til að bæta upp fámenni í þessum aldurshópum.

Mynd 4. Mannfjöldi eftir kyni, aldri, uppruna og landsvæði 1. janúar 2011
 Figure 4. Population by sex, age, background and region 1 January 2011



Á undanförunum árum og áratugum hefur aldursamsetning landsmanna breyst mikið. Ungu fólki hefur fækkað hlutfallslega en eldra fólki fjölgað. Í ársbyrjun 2011 var fólk á vinnufærum aldri, þ.e. 20–64 ára, 59,5% en var 59,6% 1. janúar 2010. Á síðastliðnum fimm árum hefur fólki á aldrinum 0–19 ára fækkað úr 29,2% af þjóðinni í 28,2% en fólki sem er eldra en 64 ára fjölgað úr 11,7% í 12,3%.

Framfærsluhlutfall


Framfærsluhlutfall barna og ungs fólks undir tvítugu var misjafnt eftir landsvæðum (mynd 5). Í ársbyrjun 2011 var það lægst á höfuðborgarsvæðinu, 46 af hverjum 100

á vinnualdri. Þetta hlutfall var hæst á Suðurnesjum þar sem það var 53 af hverjum 100 á vinnualdri. Á öðrum landsvæðum var framfærsluhlutfall ungmenna á bilinu 48 til 51 af hundraði. Á landinu öllu var hlutfallið 47 af hundraði.

Framfærsluhlutfall þeirra sem eldri eru var aftur á móti hæst á Norðurlandi vestra, þar sem það var 28 af hundraði á vinnufærum aldri. Langlægst var þetta hlutfall á Suðurnesjum eða 16 af hverjum 100 og á höfuðborgarsvæðinu þar sem það var 20 af hverjum 100. Á öðrum landsvæðum var hlutfallið milli 22 og 25 af hundraði vinnufærra íbúa. Á landinu öllu var hlutfallið 21 af hundraði.

Mynd 5. Framfærsluhlutfall eftir landsvæðum 1. janúar 2011

Figure 5. Dependency ratios by regions 1 January 2011



Erlendur bakgrunnur

Innflytjendur Hinn 1. janúar 2011 voru 25.693 innflytjendur á Íslandi eða 8,1% mannfjöldans. Konur eru í meirihluta meðal innflytjenda, sem er nokkur breyting frá undanförunum árum, en karlar hafa verið fleiri meðal innflytjenda allt frá árinu 2006.

Önnur kynslóð innflytjenda Svokölluð önnur kynslóð innflytjenda, þ.e. börn innflytjenda sem fædd eru hér á landi, voru 2.582 talsins hinn 1. janúar 2011 og hafði þá fjölgað um 14,6% frá árinu áður.

Hinn 1. janúar höfðu auk þess 13.955 einstaklingar, eða 4,4% mannfjöldans, eitt erlent foreldri. Á árinu 2010 fjölgaði í þessum hópi um 2,6%. Alls voru því 42.230 einstaklingar búsettir á Íslandi 1. janúar 2011 þar sem annað foreldri eða báðir foreldrar voru erlendir. Það eru 13,3% mannfjöldans.


Pólverjar fjölmennastir Pólverjar voru langfjölmennasti hópur innflytjenda hér á landi 1. janúar 2011. Alls eru 9.463 einstaklingar fæddir í Póllandi eða 36,8% allra innflytjenda. Næstfjölmennasti hópur innflytjenda fæddist í Litháen, 5,7% en 5,2% innflytjenda fæddust á Filippseyjum.

Þó að konur séu fleiri en karlar meðal innflytjenda er kynjahlutfallið mjög misjafnt eftir upprunalandi. Þannig eru 1.183 karlar á hverjar 1.000 konur meðal pólskra

innflytjenda og 1.144 karlar á 1.000 konur frá Litháen. En meðal innflytjenda frá Filippseyjum eru hins vegar 488 karlar á hverjar 1.000 konur.

Mynd 6. Mannfjöldinn eftir erlendum bakgrunni 1. janúar 2011

Figure 6. Population by foreign background 1 January 2011



Búferlaflutningar

Árið 2010 fluttust 2.134 fleiri frá landinu en til þess. Dró úr brottflutningi á árinu miðað við árið áður, þegar 4.835 fluttu úr landi umfram aðflutta. Alls fluttu 7.759 frá landinu samanborið við 10.612 á árinu 2009. Hins vegar fluttust 5.625 manns til Íslands árið 2010, sem er svipaður fjöldi og árið 2009 þegar 5.777 manns fluttust til landsins.

Flestir til Noregs Flestir þeirra sem fluttu af landi brott fóru til Noregs, alls 1.539 einstaklingar, en brottfluttir til Póllands voru nokkuð færri. Til þessara landa fluttu jafnframt flestir umfram aðflutta. Til Danmerkur fluttu alls 1.145, en þaðan fluttu líka 1.143 til Íslands á árinu.

Fleiri íslenskir ríkisborgarar Íslenskir ríkisborgarar voru fleiri en erlendir í hópi brottfluttra, eða 4.340 á móti 3.419. Hins vegar voru erlendir ríkisborgarar fleiri meðal aðfluttra en íslenskir, 2.988 á móti 2.637. Alls fluttu því 1.703 íslenskir ríkisborgarar úr landi umfram brottflutta, en 431 erlendir ríkisborgari.

Íslenskir ríkisborgarar flytja einkum til og frá Norðurlöndunum, en Pólland er helsta viðtöku- og upprunaland annarra.

Aðfluttir yngri en brottfluttir Árið 2010 voru flestir brottfluttra á aldrinum 25–29 ára, flestir þó 24 ára af einstaka árgöngum. Fjölmennasti hópur aðfluttra var á aldrinum 20–24 ára. Tíðasti aldur aðfluttra einstaklinga var 22 ár. Þegar tekið er tillit til fjölda brottfluttra umfram aðflutta var mest fækkun vegna fólksflutninga frá landinu í aldurshópnum 30–34 ára.

Straumurinn suður Innanlandsflutningar voru álíka margir árið 2010 og árið áður. Höfuðborgarsvæðið tapaði flestum einstaklingum vegna brottflutninga umfram aðflutninga eða 594 manns. Það tap helgast aðallega af miklum flutningum frá höfuðborgarsvæðinu til

útlanda en þangað fluttu 1.234 umfram aðflutta frá höfuðborgarsvæðinu. Aftur á móti fékk höfuðborgarsvæðið 640 einstaklinga umfram brottflutta í innanlandsflutningum frá öðrum landsvæðum. Á öllum öðrum landsvæðum voru brottfluttir fleiri en aðfluttir, hvort sem litið er til innanlands- eða millilandaflutninga.

Tafla 3. Búferlaflutningar eftir landsvæðum 2010

Table 3. Internal and external migration by regions 2010

	Aðfluttir umfram brotttflutta alls <i>Net migration, total</i>	Innanlands <i>Net internal migration</i>	Milli landa <i>Net external migration</i>
Alls Total	-2.134	–	-2.134
Höfuðborgarsvæðið <i>Capital region</i>	-594	640	-1.234
Suðurnes <i>Southwest</i>	-508	-162	-346
Vesturland <i>West</i>	-109	-60	-49
Vestfirðir <i>Westfjords</i>	-265	-162	-103
Norðurland vestra <i>Northwest</i>	-51	-41	-10
Norðurland eystra <i>Northeast</i>	-148	-33	-115
Austurland <i>East</i>	-235	-100	-135
Suðurland <i>South</i>	-224	-82	-142

Fæðingar og frjósemi


Árið 2010 fæddust 2.523 drengir og 2.384 stúlkur á Íslandi, eða 4.907 alls. Í þessum tölum eru taldir 37 fæðingar erlendis þar sem móðirin átti lögheimili á Íslandi. Aðeins hafa tvisvar áður komið fleiri börn í heiminn á Íslandi, þ.e. árið 2009 þegar 5.026 börn fæddust og árið 1960 þegar 4.916 börn fæddust.

Hækkandi aldur mæðra

Meðalaldur mæðra hefur hækkað jafnt og þétt síðustu áratugi og konur eignast sitt fyrsta barn síðar á ævinni en áður var. Frá byrjun sjöunda áratugarins og fram yfir 1980 var meðalaldur frumbyrja undir 22 árum en eftir miðjan níunda áratuginn hefur meðalaldur frumbyrja hækkað og var 26,6 ár að meðaltali 2006–2010.

Mynd 7. Meðalaldur mæðra 1961–2010

Figure 7. Mean age of mothers 1961–2010



Frjósemi yfir meðallagi

Helsti mælikvarði á frjósemi er fjöldi lifandi fæddra barna á ævi hvers konu. Árið 2010 var frjósemi íslenskra kvenna örlítið lægri en árið 2009, eða 2,197 börn á ævi hvers konu en 2,221 barn ári fyrir. Yfirleitt er miðað við að frjósemi þurfi að vera um 2,1 barn til þess að viðhalda mannfjölda til lengri tíma litið miðað við jafnvægi í millilandaflutningum og óbreytta dánartíðni. Undanfarnin ár hefur frjósemi á Íslandi verið rétt um tvö börn á ævi hvers konu. Frjósemin er nú ekki nema um helmingur frjóseminnar í kringum 1960, en þá gat hver kona vænst þess að eignast rúmlega fjögur börn á ævi sinni.

Dánir og ævilíkur

Alls létust 2.017 manns á árinu 2010, 1.063 karlar en 954 konur. 11 börn létust á fyrsta ári, þar af sex á fyrstu fjörum vikum ævinnar. Heildardánartíðni var 6,3 dánir á hverja 1.000 íbúa. Hjá körlum var dánartíðnin 6,7 á hverja 1.000 íbúa, en 6,0 hjá konum.

Meðalævin lengist

Meðalævilengd karla árið 2010 var 79,5 ár. Hún var 79,7 ár árið 2009. Árið 2010 var meðalævilengd kvenna 83,5 ár samanborið við 83,3 ár 2009.


Meðalævilengd hefur vaxið jafnt og þétt hjá báðum kynjum undanfarna öld. Vöxturinn stóð reyndar í stað hjá körlum á árabílinu 1951–1970, en aftur hefur dregið saman með kynjunum síðan þá. Heldur hefur dregið úr vexti meðalævilengdar eftir miðja 20. öld, en hún jókst mjög hratt frá lokum 19. aldar.

Alþjóðlegt samhengi

Lífslíkur íslenskra karla hafa batnað mjög á undanförunum árum. Frá árinu 2000 hafa þeir bætt við sig rúmlega tveimur árum í meðalævilengd. Þeir geta nú vænst þess að lifa lengst allra karla í Evrópu. Meðalævi íslenskra kvenna hefur hins vegar lengst hægar en karla. Þær eru nú í fimmta sæti þegar meðalævilengd evrópskra kvenna er borin saman, en þar eru franskar konur í efsta sæti og geta orðið nær ári eldri en þær íslensku.

Mynd 8. Meðalævilengd eftir kyni 1841–2010

Figure 8. *Life expectancy at birth by sex 1841–2010*



Kjarnafjölskyldur

Hinn 1. janúar 2011 voru alls 77.370 kjarnafjölskyldur á landinu og hafði fjölgað lítillega frá árinu áður. Barnafjölskyldum fækkaði hins vegar um 310, en barnlausum hjónaböndum og sambúð fjölgaði um 453. Einhleypum fjölgaði um 710 frá því ári áður.

Tafla 4. Einhleypir og kjarnafjölskyldur eftir fjölskyldugerð 2001–2011

Table 4. Single persons and nuclear families by family type 2001–2011

	2001	2006	2010	2011
Alls Total	146.015	158.992	172.526	173.379
Einhleypir <i>Single persons</i>	76.061	85.327	95.299	96.009
Kjarnafjölskyldur alls <i>Nuclear families, total</i>	69.954	73.665	77.227	77.370
Hjónabönd og staðfest samvist <i>Marriages</i>				
Gagnstætt kyn án barna <i>Hetero sex without children</i>	23.477	25.368	27.943	28.366
Gagnstætt kyn með börnum <i>Hetero sex with children</i>	23.835	23.814	23.808	23.432
Sama kyn án barna <i>Same sex without children</i>	43	73	110	116
Sama kyn með börnum <i>Same sex with children</i>	4	18	31	31
Óvígð sambúð <i>Cohabitation</i>				
Gagnstætt kyn án barna <i>Hetero sex without children</i>	2.960	3.153	3.002	3.025
Gagnstætt kyn með börnum <i>Hetero sex with children</i>	8.871	9.035	9.460	9.613
Sama kyn án barna <i>Same sex without children</i>	•	•	55	56
Sama kyn með börnum <i>Same sex with children</i>	•	•	13	17
Einstæðir feður <i>Single fathers</i>	839	961	1.102	1.139
Einstæðar mæður <i>Single mothers</i>	9.925	11.243	11.703	11.575

Hugtök og aðferðir

- Flutningsjöfnuður* Flutningsjöfnuður er mismunur aðfluttra og brottfluttra á tilteknu svæði á einu ári. Jákvæður flutningsjöfnuður er þegar aðfluttir eru fleiri en brottfluttir.
- Náttúrleg fjölgun* Með náttúrlegri fjölgun er átt við fjölda fæddra umfram dána á tilteknu svæði á einu ári. Þegar dánir eru fleiri en fæddir er náttúrleg fjölgun neikvæð og er þá talað um náttúrlega fækkun.
- Kjarnafjölskylda* Kjarnafjölskyldur teljast vera hjón eða sambúðarfólk með eða án barna undir 18 ára, eða einstæðir feður eða mæður með börn á framfæri undir 18 ára aldri. Einstaklingar 18 ára og eldri sem hafa ekki gengið í sambúð eða hjónaband eða hafa barn á sínu framfæri teljast einhleypir, jafnvel þótt þeir dveljast enn hjá foreldrum sínum.
- Mannfjöldinn* Til mannfjöldans 1. janúar ár hvert teljast allir þeir sem hafa lögheimili sitt í tilteknu sveitarfélagi í upphafi árs. Lögheimili manns er sá staður þar sem hann hefur fasta búsetu. Maður telst hafa fasta búsetu á þeim stað þar sem hann hefur bækistöð sína, dvelst að jafnaði í tómskundum sínum, hefur heimilismuni sína og svefnstaður hans er þegar hann er ekki fjarverandi um stundarsakir vegna orlofs, vinnuferða, veikinda eða annarra hliðstæðra atvika (1. gr. laga nr. 21/1990). Hverjum þeim sem dvelst eða ætlar að dveljast á Íslandi í sex mánuði eða lengur ber að skrá lögheimili sitt á Íslandi. Dveljist hann eða ætlar að dvelja vegna atvinnu eða náms í þrjá mánuði eða lengur má hann þó eiga lögheimili hér (2. gr. s.1.).

Hugtakið lögheimili eins og það er notað í íbúaskrá þjóðskrár er því frábrugðið leiðbeiningum Sameinuðu þjóðanna um skilgreiningu fastrar búsetu, en þar er miðað við að einstaklingur ætli sér að búa á nýjum stað í a.m.k. 12 mánuði eða hafi þegar búið a.m.k. 12 mánuði á staðnum.

Skráning lögheimilis í íbúaskrá þjóðskrár er þó ekki aðeins frábrugðin alþjóðlegum leiðbeiningum hvað varðar búferlaflutninga milli landa. Leiðbeiningarnar eiga líka við um búferlaflutninga innanlands. Í flutningstilkynningum innanlands er hins vegar ekki spurt hvort ætlað sé að flutningurinn sé til skamms tíma eða ekki, þannig að allar tilkynningar um breytt lögheimili eru meðhöndlaðar sem breyting á fastri búsetu, óháð því hversu lengi einstaklingurinn ætlar sér að búa á nýjum stað.

- Byggðakjarni* Byggðakjarni er byggð, þorp eða annað tilgreint svæði innan eins sveitarfélags með 50 íbúum eða fleirum þar sem íbúarnir búa í nágrenni hver við annan. Miðað er við að fjarlægð sé að hámarki 200 metrar milli húsa, en þó geta verið þar undantekningar sökum landfræðilegra aðstæðna, veghelgunarsvæða eða skipulagðra svæða milli íbúðarhúsa eða hverfa, s.s. atvinnusvæða eða útivistarsvæða. Þá er miðað við að $\frac{2}{3}$ íbúa hafi atvinnu af öðru en landbúnaði. Samfellt þéttbýli sem nær yfir fleiri en eitt sveitarfélag er skipt í jafn marga byggðakjarna og sveitarfélögin eru.

Frá upphafi hefur Hagstofan gert þá undantekningu frá ofangreindri skilgreiningu að allir íbúar kaupstaða teljast til þéttbýlis þar, enda þótt nokkurt strjálbýli sé innan sumra þeirra, svo og hreppar þar sem strjálbýli er innan við 10% íbúanna.¹ Þessu hefur verið haldið þó að eiginlegir kaupstaðir hafi verið aflagðir og margir þeirra, svo og hinna svokölluðu þéttbýlishreppa, hafa sameinast öðrum sveitarfélögum. Hafin er vinna við endurskoðun þessara skilgreininga.

¹ Hagstofa Íslands. Mannfjöldaskýrslur árin 1961–1970, Reykjavík 1975.

Vegna byggðapróunar hefur Hagstofan sameinað þéttbýlið í Keflavík og Njarðvík ásamt nýju íbúðarsvæði á fyrrum varnarsvæði á Keflavíkurlflugvelli í einn byggðakjarna, Keflavíkur- og Njarðvíkurþéttbýli. Einn nýr byggðakjarni kom fram á árinu 2010, það er Brautarholt á Skeiðum.

Þéttbýlisstaður Með þéttbýlisstað er átt við einn eða fleiri samliggjandi byggðakjarna.

Stærðarflokkun þéttbýlisstaða er lögð til grundvallar skiptingu íbúanna eftir byggðarstigi og aðgreiningu í þéttbýlisstaði, fámennari þéttbýlisstaði og strjálbýli. Árið 1960 tók Hagstofan að skipta mannfjölda í þéttbýli og strjálbýli samkvæmt sameiginlegri skilgreiningu sem hagstofurnar á Norðurlöndum nota og tekur mið af reglum Sameinuðu þjóðanna. Er þá notuð sundurliðun eftir byggðarstigi, þ.e. flokkun eftir íbúatölu þéttbýlisstaða. Mörk þéttbýlis og strjálbýlis eru sett við þéttbýlisstaði með 200 íbúa eða fleiri.

Sameining sveitarfélaga Sveitarfélög voru alls 76 á landinu hinn 1. janúar 2011. Árið 2010 sameinaðist Arnarneshreppur og Hörgárbyggð í nýtt sveitarfélag með heitinu Hörgársveit.

Innflytjendur og önnur kynslóð innflytjenda Með innflytjanda er átt við einstakling sem fæddur er erlendis, sem og báðir foreldrar og allir afar og ömmur. Önnur kynslóð innflytjenda eru þeir sem fæddir eru á Íslandi en báðir foreldrar eru innflytjendur. Þeir sem ekki eru innflytjendur eru í þessu riti nefndir einu nafni „innlendir“.

Ólifud meðalævi Ólifud meðalævi sýnir hve mörg æviár einstaklingur, karl eða kona, á að meðaltali ólifud miðað við að hann/hún sé á lífi við upphaf tiltekins aldurskeiðs. Algengt er að reikna ólifaða meðalævi: við fæðingu, 1 árs, 15 ára, 50 ára, 65 ára og 80 ára. Ólifud meðalævi við fæðingu er jafnframt kölluð *meðalævilengd*.

Frjósemi Með frjósemi er átt við fjölda þeirra barna sem hver kona getur vænst að eignast nái hún að lifa til loka barnburðaára sinna og verði fæðingartíðnin sú sama og í dag. Þessi tala er því reiknuð sem summa af fæðingartíðni kvenna í fimm ára aldurshópum 15 til 49 ára.

Fæðingar Til fæddra teljast allir lifandi fæddir á Íslandi eða erlendis enda hafi móðirin átt lögheimili á Íslandi á fæðingardeggi. Fram til 2009 og 2010 voru börn fædd erlendis ekki talin með, þó svo að móðirin hafi átt lögheimili á Íslandi. Börn fædd á Íslandi af móður með skráð lögheimili utanlands eru ekki talin með.

English Summary

The population of Iceland was 318,452 1 January 2011, compared with 317,630 1 January 2010. Although increasing, the population growth of 0.3% was nevertheless historically low. This is due to negative net migration in 2010, just barely outweighed by the natural population growth (births less deaths). The population has nevertheless grown in the past five years by an annual average growth rate of 1.2%.

The population increased in three out of eight regions of the country in 2010, mainly in the Capital region and the Northeast. The decrease was highest in the Westfjords region. All regions of the country suffered negative net migration, with the Capital region the only region to gain in internal migration.

In 2010, there were 4,907 births in Iceland, 2,523 males and 2,384 females, third highest number of births ever recorded. The total fertility rate (TFR) in 2010 is calculated as 2.197 children per woman. This is slightly lower than in 2009 when the TFR was 2.221 children per woman.

In 2010, 2,017 deaths, 1,063 males and 954 females, were recorded. This amounts to a crude death rate of 6.3 per thousand population. The life expectancy of males at birth is estimated at 79.5 years, compared with 79.7 years in 2009. The life expectancy of females at birth is estimated at 83.5 years compared with 83.3 years in 2009.

The old age dependency ratio, i.e., the ratio of persons 65 years of age and older to the number of persons in the age group 20–64 years, was 12.3%. This ratio has increased in the past five years, from 11.7%.

Immigrants, i.e. persons born abroad with both parents and all grandparents born abroad, numbered 25,693 1 January 2011. This amounts to 8.1% of the total population. Females constitute the majority of all immigrants, which is a change from the previous five years. The second generation of immigrants, i.e. persons born in Iceland with both parents being immigrants, were 2,582. Persons with one immigrant parent numbered 13,055 1 January 2011. In all, 42,230 persons or 13.3% of the total population in Iceland had foreign background. Over third of the immigrant population is of Polish origin (36.8%).

Tafla 5. Mannfjöldi í byggðakjörnum 2001–2011

Table 5. Population by urban nuclei 2001–2011

	Mannfjöldi 1. janúar <i>Population 1 January</i>						Árleg breyting % <i>Annual change %</i>		
				2011			2001	2006	2010
	2001	2006	2010	Alls <i>Total</i>	Karlar <i>Males</i>	Konur <i>Females</i>	/2006	/2011	/2011
Landið allt <i>Total</i>	283.361	299.891	317.630	318.452	160.006	158.446	1,1	1,2	0,3
Höfuðborgarsv. <i>Capital region</i>	175.427	187.426	200.907	202.341	100.538	101.803	1,3	1,5	0,7
Hafnarfjörður	19.688	22.498	25.913	26.099	12.990	13.109	2,7	3,0	0,7
Garðabær	8.066	9.444	10.643	10.909	5.352	5.557	3,2	2,9	2,5
Álftanes	1.545	2.205	2.523	2.484	1.255	1.229	7,4	2,4	-1,5
Kópavogur	23.647	26.512	30.357	30.779	15.263	15.516	2,3	3,0	1,4
Reykjavík	110.852	114.074	117.505	118.061	58.550	59.511	0,6	0,7	0,5
Seltjarnarnes	4.673	4.471	4.395	4.320	2.134	2.186	-0,9	-0,7	-1,7
Mosfellsbær	5.891	6.946	8.312	8.397	4.310	4.087	3,3	3,9	1,0
Mosfellsdalur	222	219	241	245	128	117	-0,3	2,3	1,7
Grundarhverfi á Kjalarnesi	352	587	520	526	269	257	10,8	-2,2	1,2
Strjálbýli <i>Rural areas</i>	491	470	498	521	287	234	-0,9	2,1	4,6
Suðurnes <i>Southwest</i>	16.531	17.915	21.359	21.088	10.850	10.238	1,6	3,3	-1,3
Grindavík	2.314	2.614	2.837	2.821	1.456	1.365	2,5	1,5	-0,6
Hafnir	117	130	119	109	56	53	2,1	-3,5	-8,4
Sandgerði	1.359	1.538	1.710	1.683	882	801	2,5	1,8	-1,6
Garður	1.218	1.377	1.515	1.452	761	691	2,5	1,1	-4,2
Keflavíkur- og Njarðv.þéttbýli	10.739	11.237	13.972	13.862	7.078	6.784	0,9	4,3	-0,8
Vogar	681	931	1.122	1.075	559	516	6,5	2,9	-4,2
Strjálbýli ót.a.s. <i>Rural areas n.e.c.</i>	103	88	84	86	58	28	-3,1	-0,5	2,4
Vesturland <i>West</i>	14.278	14.877	15.370	15.379	7.921	7.458	0,8	0,7	0,1
Akranes	5.450	5.786	6.549	6.623	3.388	3.235	1,2	2,7	1,1
Hvanneyri	155	234	277	276	147	129	8,6	3,4	-0,4
Kleppjárnsreykir	44	50	50	38	18	20	2,6	-5,3	-24,0
Reykholt í Borgarfirði	27	33	41	48	22	26	4,1	7,8	17,1
Melahverfi í Hvalfirði	38	101	111	122	62	60	21,6	3,9	9,9
Borgarnes	1.740	1.846	1.828	1.763	893	870	1,2	-0,9	-3,6
Bifröst	0	275	202	221	94	127	.	-4,3	9,4
Hellissandur	413	400	391	387	196	191	-0,6	-0,7	-1,0
Rif	146	137	143	157	87	70	-1,3	2,8	9,8
Ólafsvík	989	1.016	1.005	1.010	521	489	0,5	-0,1	0,5
Grundarfjörður	853	886	832	836	411	425	0,8	-1,2	0,5
Stykkishólmur	1.228	1.166	1.092	1.100	573	527	-1,0	-1,2	0,7
Búðardalur	258	258	255	248	131	117	0,0	-0,8	-2,7
Strjálbýli ót.a.s. <i>Rural areas n.e.c.</i>	2.937	2.689	2.594	2.550	1.378	1.172	-1,7	-1,1	-1,7
Vestfirðir <i>Westfjords</i>	8.152	7.551	7.362	7.137	3.634	3.503	-1,5	-1,1	-3,1
Reykhólar	121	117	131	128	64	64	-0,7	1,8	-2,3
Patreksfjörður	730	618	640	627	317	310	-3,3	0,3	-2,0
Tálknafjörður	347	282	285	294	157	137	-4,1	0,8	3,2
Bildudalur	262	218	187	166	84	82	-3,6	-5,3	-11,2
Þingeyri	333	320	263	260	124	136	-0,8	-4,1	-1,1

Tafla 5. Mannfjöldi í byggðakjörnum 2001–2011 (frh.)
 Table 5. Population by urban nuclei 2001–2011 (cont.)

	Mannfjöldi 1. janúar <i>Population 1 January</i>						Árleg breyting % <i>Annual change %</i>		
	2001	2006	2010	2011			2001	2006	2010
				Alls <i>Total</i>	Karlar <i>Males</i>	Konur <i>Females</i>	/2006	/2011	/2011
Flateyri	294	308	250	237	108	129	0,9	-5,1	-5,2
Suðureyri	338	307	317	312	165	147	-1,9	0,3	-1,6
Bolungarvík	997	920	970	888	457	431	-1,6	-0,7	-8,5
Ísafjörður	2.781	2.779	2.677	2.636	1.312	1.324	0,0	-1,1	-1,5
Hnífsdalur	294	243	242	231	122	109	-3,7	-1,0	-4,5
Súðavík	190	207	170	165	83	82	1,7	-4,4	-2,9
Drangsnæs	97	76	72	67	31	36	-4,8	-2,5	-6,9
Hólmavík	399	379	386	375	206	169	-1,0	-0,2	-2,8
Strjálbýli ót.a.s. <i>Rural areas n.e.c.</i>	969	777	772	751	404	347	-4,3	-0,7	-2,7
Norðurland vestra <i>Northwest</i>	7.867	7.518	7.394	7.393	3.753	3.640	-0,9	-0,3	0,0
Laugarbakki	86	76	60	57	29	28	-2,4	-5,6	-5,0
Hvammstangi	588	582	579	582	271	311	-0,2	0,0	0,5
Blönduós	924	837	819	842	434	408	-2,0	0,1	2,8
Skagaströnd	612	545	519	530	265	265	-2,3	-0,6	2,1
Sauðárkrúkur	2.605	2.598	2.640	2.635	1.309	1.326	-0,1	0,3	-0,2
Varmahlíð	145	138	132	137	77	60	-1,0	-0,1	3,8
Hólar í Hjaltadal	60	99	109	89	39	50	10,5	-2,1	-18,3
Hofsós	181	172	184	190	97	93	-1,0	2,0	3,3
Strjálbýli ót.a.s. <i>Rural areas n.e.c.</i>	2.666	2.471	2.352	2.331	1.232	1.099	-1,5	-1,2	-0,9
Norðurland eystra <i>Northeast</i>	28.182	28.465	28.900	29.006	14.536	14.470	0,2	0,4	0,4
Grimsey	93	103	89	86	44	42	2,1	-3,5	-3,4
Síglufjörður	1.556	1.352	1.214	1.206	610	596	-2,8	-2,3	-0,7
Ólafsfjörður	1.038	944	852	824	424	400	-1,9	-2,7	-3,3
Dalvík	1.480	1.390	1.435	1.454	739	715	-1,2	0,9	1,3
Hrísey	188	177	189	178	88	90	-1,2	0,1	-5,8
Litli-Árskógssandur	124	129	142	133	69	64	0,8	0,6	-6,3
Hauganes	154	137	128	124	67	57	-2,3	-2,0	-3,1
Hjalteyri	54	43	45	43	22	21	-4,5	0,0	-4,4
Lónsbakki í Hörgársveit	0	69	93	91	46	45	.	5,7	-2,2
Akureyri	15.411	16.579	17.295	17.490	8.634	8.856	1,5	1,1	1,1
Kristnes	56	52	40	45	22	23	-1,5	-2,9	12,5
Hrafnagil	97	143	258	254	125	129	8,1	12,2	-1,6
Svalbarðseyri	202	212	258	245	123	122	1,0	2,9	-5,0
Grenivík	279	278	249	256	129	127	-0,1	-1,6	2,8
Reykjahlíð	205	208	173	187	94	93	0,3	-2,1	8,1
Laugar	90	110	112	112	64	48	4,1	0,4	0,0
Húsavík	2.423	2.269	2.229	2.237	1.097	1.140	-1,3	-0,3	0,4
Kópasker	144	140	126	121	63	58	-0,6	-2,9	-4,0
Raufarhöfn	340	228	217	194	104	90	-7,7	-3,2	-10,6
Þórshöfn	393	391	394	380	194	186	-0,1	-0,6	-3,6
Bakkafjörður	131	96	75	72	42	30	-6,0	-5,6	-4,0
Strjálbýli ót.a.s. <i>Rural areas n.e.c.</i>	3.724	3.415	3.287	3.274	1.736	1.538	-1,7	-0,8	-0,4

Tafla 5. Mannfjöldi í byggðakjörnum 2001–2011 (frh.)
 Table 5. Population by urban nuclei 2001–2011 (cont.)

	Mannfjöldi 1. janúar <i>Population 1 January</i>						Árleg breyting % <i>Annual change %</i>		
	2001	2006	2010	2011			2001	2006	2010
				Alls <i>Total</i>	Karlar <i>Males</i>	Konur <i>Females</i>	/2006	/2011	/2011
Austurland <i>East</i>	11.803	13.726	12.459	12.306	6.519	5.787	3,1	-2,2	-1,2
Vopnafjörður	571	561	540	529	274	255	-0,4	-1,2	-2,0
Fellabær	371	402	427	416	212	204	1,6	0,7	-2,6
Borgarfjörður eystri	100	104	93	100	58	42	0,8	-0,8	7,5
Seyðisfjörður	796	736	706	668	347	321	-1,6	-1,9	-5,4
Egilsstaðir	1.600	1.905	2.277	2.257	1.148	1.109	3,6	3,4	-0,9
Hallormsstaður	56	53	47	48	25	23	-1,1	-2,0	2,1
Neskaupstaður	1.409	1.410	1.451	1.437	750	687	0,0	0,4	-1,0
Eskifjörður	979	1.008	1.062	1.043	561	482	0,6	0,7	-1,8
Reyðarfjörður	632	1.424	1.090	1.102	607	495	17,6	-5,0	1,1
Fáskrúðsfjörður	573	623	667	662	366	296	1,7	1,2	-0,7
Stöðvarfjörður	271	236	223	203	115	88	-2,7	-3,0	-9,0
Breiðdalsvík	191	157	144	139	79	60	-3,8	-2,4	-3,5
Djúpivogur	401	361	344	352	185	167	-2,1	-0,5	2,3
Nesjakauptún í Hornafirði	92	89	71	66	33	33	-0,7	-5,8	-7,0
Höfn í Hornafirði	1.769	1.662	1.614	1.641	851	790	-1,2	-0,3	1,7
Strjálbýli ót.a.s.									
<i>Rural areas n.e.c.</i>	1.992	2.995	1.703	1.643	908	735	8,5	-11,3	-3,5
Suðurland <i>South</i>	21.121	22.413	23.879	23.802	12.255	11.547	1,2	1,2	-0,3
Kirkjubæjarklaustur	144	139	117	120	59	61	-0,7	-2,9	2,6
Vík í Mýrdal	297	286	311	291	143	148	-0,8	0,3	-6,4
Vestmannaeyjar	4.527	4.172	4.135	4.142	2.169	1.973	-1,6	-0,1	0,2
Hvolsvöllur	677	764	848	860	428	432	2,4	2,4	1,4
Hella	623	699	785	781	391	390	2,3	2,2	-0,5
Brautarholt á Skeiðum	0	0	40	52	27	25	.	.	30,0
Flúðir	272	339	382	394	208	186	4,5	3,1	3,1
Reykholt í Biskupstungum	121	176	189	195	100	95	7,8	2,1	3,2
Laugarás	129	120	116	119	55	64	-1,4	-0,2	2,6
Laugarvatn	152	175	186	169	80	89	2,9	-0,7	-9,1
Sólheimar í Grímsnesi	59	69	92	85	40	45	3,2	4,3	-7,6
Borg í Grímsnesi	0	20	63	65	37	28	.	26,6	3,2
Selfoss	4.648	5.704	6.496	6.512	3.300	3.212	4,2	2,7	0,2
Árbæjarhverfi í Ölfusi	53	55	55	57	32	25	0,7	0,7	3,6
Stokkseyri	456	467	468	445	233	212	0,5	-1,0	-4,9
Eyrbakki	550	580	565	569	298	271	1,1	-0,4	0,7
Hveragerði	1.816	2.084	2.291	2.316	1.173	1.143	2,8	2,1	1,1
Þorlákshöfn	1.326	1.418	1.565	1.533	799	734	1,4	1,6	-2,0
Strjálbýli ót.a.s.									
<i>Rural areas n.e.c.</i>	5.271	5.146	5.175	5.097	2.683	2.414	-0,5	-0,2	-1,5

Tafla 6. Mannfjöldi eftir sveitarfélögum 2001–2011

Table 6. Population by municipalities 2001–2011

	Mannfjöldi 1. janúar <i>Population 1 January</i>						Árleg breyting, % <i>Annual change, %</i>		
	2001	2006	2010	2011			2001 /2006	2006 /2011	2010 /2011
				Alls <i>Total</i>	Karlar <i>Males</i>	Konur <i>Females</i>			
Landið allt <i>Total</i>	283.361	299.891	317.630	318.452	160.006	158.446	1,1	1,2	0,3
Höfuðborgarsvæði									
<i>Capital region</i>	175.427	187.426	200.907	202.341	100.538	101.803	1,3	1,5	0,7
Reykjavík	111.544	114.968	118.326	118.898	58.989	59.909	0,6	0,7	0,5
Kópavogur	23.647	26.512	30.357	30.779	15.263	15.516	2,3	3,0	1,4
Seltjarnarnes	4.673	4.471	4.395	4.320	2.134	2.186	-0,9	-0,7	-1,7
Garðabær	8.066	9.444	10.643	10.909	5.352	5.557	3,2	2,9	2,5
Hafnarfjörður	19.688	22.498	25.913	26.099	12.990	13.109	2,7	3,0	0,7
Sveitarfélagið Álftanes	1.545	2.205	2.523	2.484	1.255	1.229	7,4	2,4	-1,5
Mosfellsbær	6.113	7.165	8.553	8.642	4.438	4.204	3,2	3,8	1,0
Kjósarhreppur	151	163	197	210	117	93	1,5	5,2	6,6
Suðurnes <i>Southwest</i>	16.531	17.915	21.359	21.088	10.850	10.238	1,6	3,3	-1,3
Reykjanesbær	10.856	11.367	14.091	13.971	7.134	6.837	0,9	4,2	-0,9
Grindavíkurbær	2.314	2.614	2.837	2.821	1.456	1.365	2,5	1,5	-0,6
Sandgerði	1.359	1.538	1.710	1.683	882	801	2,5	1,8	-1,6
Sveitarfélagið Garður	1.218	1.377	1.515	1.452	761	691	2,5	1,1	-4,2
Sveitarfélagið Vogar	784	1.019	1.206	1.161	617	544	5,4	2,6	-3,7
Vesturland <i>West</i>	14.278	14.877	15.370	15.379	7.921	7.458	0,8	0,7	0,1
Akranes	5.450	5.786	6.549	6.623	3.388	3.235	1,2	2,7	1,1
Skorradalshreppur	47	64	61	57	31	26	6,4	-2,3	-6,6
Hvalfjarðarsveit	555	605	624	617	337	280	1,7	0,4	-1,1
Borgarbyggð	3.353	3.640	3.542	3.476	1.786	1.690	1,7	-0,9	-1,9
Grundarfjarðarbær	949	975	904	903	449	454	0,5	-1,5	-0,1
Helgafellssveit	56	54	63	61	35	26	-0,7	2,5	-3,2
Stykkishólmur	1.228	1.166	1.092	1.100	573	527	-1,0	-1,2	0,7
Eyja- og Miklaholtshreppur	117	139	139	135	70	65	3,5	-0,6	-2,9
Snæfellsbær	1.734	1.731	1.702	1.723	892	831	0,0	-0,1	1,2
Dalabyggð	789	717	694	684	360	324	-1,9	-0,9	-1,4
Vestfirðir <i>West</i>	8.152	7.551	7.362	7.137	3.634	3.503	-1,5	-1,1	-3,1
Bolungarvík	997	920	970	888	457	431	-1,6	-0,7	-8,5
Ísafjarðarbær	4.224	4.108	3.899	3.824	1.913	1.911	-0,6	-1,4	-1,9
Reykhólahreppur	311	251	291	278	141	137	-4,2	2,1	-4,5
Tálknafjarðarhreppur	367	302	299	306	165	141	-3,8	0,3	2,3
Vesturbyggð	1.162	964	935	890	455	435	-3,7	-1,6	-4,8
Súðavíkurhreppur	234	240	202	192	98	94	0,5	-4,4	-5,0
Árneshreppur	60	50	50	52	28	24	-3,6	0,8	4,0
Kaldrananeshreppur	131	112	112	106	50	56	-3,1	-1,1	-5,4
Bæjarhreppur	93	105	96	100	50	50	2,5	-1,0	4,2
Strandabyggð	573	499	508	501	277	224	-2,7	0,1	-1,4
Norðurl. vestra <i>Northwest</i>	7.867	7.518	7.394	7.393	3.753	3.640	-0,9	-0,3	0,0
Sveitarfélagið Skagafjörður	4.191	4.106	4.131	4.110	2.091	2.019	-0,4	0,0	-0,5
Húnaþing vestra	1.228	1.174	1.116	1.122	544	578	-0,9	-0,9	0,5
Blönduóssbær	993	903	882	904	467	437	-1,9	0,0	2,5
Sveitarfélagið Skagaströnd	612	545	519	530	265	265	-2,3	-0,6	2,1

Tafla 6. Mannfjöldi eftir sveitarfélögum 2001–2011 (frh.)
 Table 6. Population by municipalities 2001–2011 (cont.)

	Mannfjöldi 1. janúar <i>Population 1 January</i>						Árleg breyting, % <i>Annual change, %</i>		
				2011			2001 /2006	2006 /2011	2010 /2011
	2001	2006	2010	Alls <i>Total</i>	Karlar <i>Males</i>	Konur <i>Females</i>			
Skagabyggð	105	99	106	105	56	49	-1,2	1,2	-0,9
Húnavatnshreppur	508	466	431	417	225	192	-1,7	-2,2	-3,2
Akrahreppur	230	225	209	205	105	100	-0,4	-1,8	-1,9
Norðurl. eystra <i>Northeast</i>	28.205	28.494	28.900	29.006	14.536	14.470	0,2	0,4	0,4
Akureyri	15.692	16.859	17.573	17.754	8.766	8.988	1,4	1,0	1,0
Norðurþing	3.333	3.027	2.926	2.905	1.453	1.452	-1,9	-0,8	-0,7
Fjallabyggð	2.594	2.296	2.066	2.030	1.034	996	-2,4	-2,4	-1,7
Dalvíkurbyggð	2.034	1.924	1.949	1.960	1.016	944	-1,1	0,4	0,6
Eyjafljótsveit	982	981	1.025	1.025	529	496	0,0	0,9	0,0
Hörgársveit	584	571	607	600	314	286	-0,4	1,0	-1,2
Svalbarðastrandahreppur	354	383	413	400	210	190	1,6	0,9	-3,1
Grýtubakkahreppur	380	367	337	334	174	160	-0,7	-1,9	-0,9
Skútustaðahreppur	445	429	374	386	193	193	-0,7	-2,1	3,2
Tjörneshreppur	74	63	56	57	30	27	-3,2	-2,0	1,8
Þingeyjarsveit	1.031	943	942	944	494	450	-1,8	0,0	0,2
Svalbarðshreppur	121	109	111	106	58	48	-2,1	-0,6	-4,5
Langanesbyggð	581	542	521	505	265	240	-1,4	-1,4	-3,1
Austurland <i>East</i>	11.780	13.697	12.459	12.306	6.519	5.787	3,1	-2,1	-1,2
Seyðisfjörður	796	736	706	668	347	321	-1,6	-1,9	-5,4
Fjarðabyggð	4.033	4.856	4.641	4.583	2.475	2.108	3,8	-1,2	-1,2
Vopnafjarðarhreppur	752	726	683	668	350	318	-0,7	-1,7	-2,2
Fljótsdalshreppur	86	376	89	80	51	29	34,3	-26,6	-10,1
Borgarfjarðarhreppur	146	146	134	141	84	57	0,0	-0,7	5,2
Breiðdalshreppur	275	232	210	199	113	86	-3,3	-3,0	-5,2
Djúpavogshreppur	521	454	443	447	237	210	-2,7	-0,3	0,9
Fljótsdalshérað	2.799	3.990	3.467	3.401	1.749	1.652	7,3	-3,1	-1,9
Sveitarfélagið Hornafjörður	2.372	2.181	2.086	2.119	1.113	1.006	-1,7	-0,6	1,6
Suðurland <i>South</i>	21.121	22.413	23.879	23.802	12.255	11.547	1,2	1,2	-0,3
Vestmannaeyjar	4.527	4.172	4.135	4.142	2.169	1.973	-1,6	-0,1	0,2
Sveitarfélagið Árborg	5.858	6.987	7.811	7.827	3.986	3.841	3,6	2,3	0,2
Mýrdalshreppur	521	504	510	469	245	224	-0,7	-1,4	-8,0
Skaftárhreppur	575	491	445	446	237	209	-3,1	-1,9	0,2
Ásahreppur	145	164	190	194	90	104	2,5	3,4	2,1
Rangárþing eystra	1.654	1.669	1.745	1.741	902	839	0,2	0,8	-0,2
Rangárþing ytra	1.419	1.454	1.543	1.523	769	754	0,5	0,9	-1,3
Hrunamannahreppur	724	766	788	795	417	378	1,1	0,7	0,9
Hveragerði	1.816	2.084	2.291	2.316	1.173	1.143	2,8	2,1	1,1
Sveitarfélagið Ölfus	1.683	1.794	1.952	1.915	1.012	903	1,3	1,3	-1,9
Grímsnes- og Grafningshreppur	327	358	415	400	222	178	1,8	2,2	-3,6
Skeiða- og Gnúpverjahreppur	533	521	517	505	254	251	-0,5	-0,6	-2,3
Bláskógabyggð	848	924	935	935	465	470	1,7	0,2	0,0
Flóahreppur	491	525	602	594	314	280	1,3	2,5	-1,3

Tafla 7. Mannfjöldi eftir bakgrunni, aldri og kyni 1. janúar 2011Table 7. *Population by background, age and sex 1 January 2011*

	Alls <i>Total</i>			Innlendir <i>Non-immigrants</i>			Innflytjendur og 2. kynslóð innflytjenda <i>Immigrants and 2nd generation immigrants</i>		
	Alls <i>Total</i>	Karlar <i>Males</i>	Konur <i>Females</i>	Alls <i>Total</i>	Karlar <i>Males</i>	Konur <i>Females</i>	Alls <i>Total</i>	Karlar <i>Males</i>	Konur <i>Females</i>
Alls <i>Total</i>	318.452	160.006	158.446	290.177	146.133	144.044	28.275	13.873	14.402
0–4 ára <i>years</i>	23.596	12.118	11.478	21.709	11.141	10.568	1.887	977	910
5–9 ára	21.194	10.790	10.404	20.011	10.203	9.808	1.183	587	596
10–14 ára	21.802	11.086	10.716	20.820	10.601	10.219	982	485	497
15–19 ára	23.251	11.942	11.309	22.227	11.419	10.808	1.024	523	501
20–24 ára	23.580	12.042	11.538	20.887	10.844	10.043	2.693	1.198	1.495
25–29 ára	23.200	11.816	11.384	18.910	9.727	9.183	4.290	2.089	2.201
30–34 ára	22.573	11.508	11.065	18.371	9.385	8.986	4.202	2.123	2.079
35–39 ára	21.827	11.138	10.689	18.543	9.430	9.113	3.284	1.708	1.576
40–44 ára	20.694	10.404	10.290	18.201	9.160	9.041	2.493	1.244	1.249
45–49 ára	21.922	10.931	10.991	19.942	9.971	9.971	1.980	960	1.020
50–54 ára	21.387	10.841	10.546	19.742	10.010	9.732	1.645	831	814
55–59 ára	18.543	9.321	9.222	17.536	8.831	8.705	1.007	490	517
60–64 ára	15.710	8.056	7.654	15.126	7.749	7.377	584	307	277
65–69 ára	11.912	5.901	6.011	11.594	5.765	5.829	318	136	182
70–74 ára	8.605	4.143	4.462	8.331	4.036	4.295	274	107	167
75–79 ára	7.677	3.564	4.113	7.518	3.517	4.001	159	47	112
80–84 ára	6.081	2.630	3.451	5.942	2.598	3.344	139	32	107
85–89 ára	3.370	1.298	2.072	3.282	1.281	2.001	88	17	71
90–94 ára	1.230	407	823	1.197	399	798	33	8	25
95–99 ára	259	63	196	251	59	192	8	4	4
100+	39	7	32	37	7	30	2	0	2

Hagtiðindi **Mannfjöldi**
Statistical Series **Population**

96. árg. • 18. tbl.

ISSN 0019-1078

2011:1 (Leiðrétt útgáfa 31. maí 2011 *Corrected version 31 May 2011*)

ISSN 1670-4479 (prentútgáfa *print edition*) • ISSN 1670-4487 (rafræn útgáfa *PDF*)

Verð kr. *Price ISK* 900 • € 7

Umsjón *Supervision* Ómar S Harðarson • omar.hardarson@hagstofa.is

Sími *Telephone* +(354) 528 1000

Bréfasími *Fax* +(354) 528 1099

© Hagstofa Íslands *Statistics Iceland* • Borgartúni 21a 150 Reykjavík Iceland

Öllum eru heimil afnot af ritinu. Vinsamlegast getið heimildar. *Please quote the source.*

www.hagstofa.is/hagtidindi www.statice.is/series